

Doeg “Cungguek Gungcanjdangj Cibbet Gaiq Hajcung Cienzhoih Goengbauq ” Ngeix Lailai

读“中国共产党十八届五中全会公报”有感

□ Cungh Swmingz / 钟自鸣

Hajcung cwngcwz moq
Angq cien hoh fanh ranz
Bouxboux cix angqyangz
Gvanbaz ciengx song lwg

Hawciengz ndaej swyouz
Hai dou caih vunz guh
Mbouj yungh ngaeq cwngfuj
Gingheï guh hwnjbae

“Cibsam haj” giva
Vunz naj riu naj hai
Guekgya swhbwnj lai
Hai baujcanj sevei

Bujgiz daengz gauhcungh
Bancoz cungj hag gvai
Bouxboux miz dungxcaiz
Caux fuk hawj guekcoj

Bi 2020
Dieggungz gingz hwnj gyaeuj
Gizgiz couh baenz fouq
Gwn youq ndei daengxbiengz

Doenghboux vunz guhhak
Dam cienz gag ra dai
Cidu raeuz yiemz lai
Haicawz mbouj hawj naj

Cunghyangh dem vunz moq
Boux ndei goj haeujbae
Vunz biengz gvaq ndaej ndei
Doengzcaez angqfwngfwng

Gangj–Au hengz minzcu
Raeuz guj haeuj couh deng
Songhamq caez gaprengz
Ceng cauxguh ngoenzmoq

Ginzchung Lohsienq Vih Yinzminz

群众路线为人民

□ Dwng Haijcoub / 邓海周

Dangj saedhengz ginzchung loh sienq,
Loh sienq fuengcim ndaej minzsim;
Vih minz banhsaeh dwg cungdenj,
Gaijndei gezdenj haenh youhdenj.

Ciuqciuq gingq cingjeingj buhvaq,
Swiqswiq najnyaueq ywyw bingh;
Dangifungh cingq daeuj ndei guekgya,
Guekgya hwngvuengh baengh daihgya.

Ndaundeiq haemhhaemh buenx ndwen
byaij,
Lingjdauj baihgwnz roengz lajmbanj;
Bin bya gvaq dah banh saeh vaiq,
Siengfap moqsak vih vunzlai.

Doxgangj gyausim gej ienq haemz,
Cungj naemj beksingq gvaq ndaej ndei;
Byaij mbanj cunz ranz mbouj lau baeg,
Vih bang ginzchung mbouj ngaiz haemz.

Aeu vunz guh bonj caen dwg ndei,
Gangj dauhleix dem banh saedsaeh;
De lumj haicin fwn doek nei,
Daiq hawj nungzminz ciudaeuz ndei.

Ndaem roengz gva daeuj muengh sou gva,
Cwnghaeuxnah bae guh ceiznah.
Genhciz haedsim vih gijmaz,
Loh sienq ginzchung vih daihgya.

Dah neix dap hwnj goengq giuz maenq,
Ndoi haenx hai doeng diuz loh hung;
Ginzchung haeujok mbouj lau laenx,
Cawx gij ci moq aen youh aen.

Ginzchung loh sienq vih yinzminz,
Baihgwanz yinx ndei baihlaj dingh;
Dangj caeuj ginzchung sim doxlienx,
Guekgya hungmbwk yinzminz angq.



Sam nyied sam Bouxcuengh
Guengjsae diuq vuj faexsax

Veiz Gozcingh Sangcieng Cawj– guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

De coengzlaiz mbouj hawj vunzlai Guengjsae saetmuengh gvaq, baez ma daengz Guengjsae de couh aeu gij cungceij gaenbonj cienzsimsienzeiq fuzvu lwgminz aendangj raeuz caeuj gij hengzdoengh saedcaih fuzvu vunzlai gak cuz ranzmbanj youjgih dwk doxgap hwnjdaeu, de doiq lwgminz gig cungsimsimhoengz, gig siengj gaijbienq gij yiengh doeklaeng Guengjsae, ndigah ciengz–ciengz haeuj dieg lajgoek bae guh diucaz yenzgiu, hwnz lienz ngoenz mbouj goq bonjfaenh dwk haenqrengz guh hong. De caeuj gij goengdaeu Guengjsae wnq doengzcaez, ciuq gij loh sienq、fuengcim、cwngcwz caeuj cingsaenz ciji dangcunghyangh, dai gij saedcaeq Guengjsae hwnjdin, lwgda yawj coh daengzcog, hoeng youh byaij ndaej maenhsaed, cienzmienh giva, miz diuzleix dwk cingsim gyoebcomz hwnjguh gingheï、vwnzva daengj gak hangh hongsaeh daengx gih. De baengh gij dungxcaiz daengxcungq aenban goengdaeu, diuhdoengh guengjdaih ganbu caeuj vunzlai engqgya hwnj–heiq bae guh hong, ciq gij rengz rog gih, youq dangcunghyangh caeuj gozvuyen dazyinx caeuj bangcoengh

lajde, fazyangz gij cingsaenz baengh rengz swhgeij bae fazcanj、haenqrengz bae guh, guh baenz hongndaej aen dam aen.
20 bi neix daeuj, Guengjsae cawz caeuj gij swngj、swcigih caeuj si beixnuengx wnq doxdoengz deng “daih yathaeuj” caeuj “vwnzva dagwzming” song baez loengloek neix nyauxluenh caeuj buqvaih le, lij aenvih Meijgoz ciemphaeuj Yeznamz, Swcigih Bouxcuengh Guengjsae youh caeuj Yeznamz Minzcu Gunghozgoz doxrangh, youq dangcunghyangh lingjdauj lajde, rap hwnj gij hong naekcaem bang Yez, guekgya mbouj ndaej mbouj nyaenxsim gemjnoix roengzngaenz hawj Guengjsae. Youq dingz cingzgvang lajneix, Guengjsae

hwnjguh seveicujyi lij aeu ndaej cingzcik gig ndei. Ciuq gij gyaqcienz beij ndaej daeuj suenq, duenhneix gij canjciz gungh nungzyez daengx gih demgya 3 boix, gij souhaeuj ngaenz–caiz deihfueng demgya 2.4 boix, gijgvangq reihnaz ndaej daengz rwd raemx mizyauq demgya 1.2 boix, gijgvangq cauh ndoeng demgya 5.2 boix, gij raez goengloh demgya 3.6 boix, yenzmeiz demgya 22.1 boix, denliz demgya 53.1 boix, dangzoi demgya 4.2 boix. Daihbuek hwnjguh goekdae reihnaz caeuj dietloh、goengloh、ciengzfeihgih、aensok daengj hongloek doxlienx guh baenz, buek dam buek giyez gunghgvang ndaej gonqlaeng douzcanj, gang caeuj gangcaiz、suijniz、dohlahgih、liuzsonh、

sauhgenj、vafeiz nungzyungh、souj–byauj、gvandouz daengj dai mbouj miz daengz miz, baenzbyoz cauh’ ok. Hagdangz gaudaengj bujdungh demgya 2.3 boix, hagdangz gisuz ciennieb cungdaengj demgya 5.8 boix, cunghag bujdungh demgya 9.7 boix, yihyen demgya 9.3 boix, doxdax diyzu gyonj ndaej 83 aen daeuzyingz daengx guek、11 aen daeuzyingz Yacouh、3 aen daeuzyingz seiqgyaiq, dwk buq 10 baez geiqloeg seiqgyaiq. Gingheï、vwnzva daengj gak hangh hwnjguh daengx gih caeuj gij mienhmauh cingsaenz lwgminz daengx gih cungj bienq ndaej moqsaksak, dubmaenh le aen goekdae ndei he hawj gvaqlaeng Guengjsae guh hong yienhdaihvaq seveicujyi.
(caengz sat)